

Na osnovu 9. stav (1) Pravilnika o vrstama vlastitih javnih prihoda u Federaciji BiH („Sl. novine FBiH“, broj: 104/2022), člana 27. stav 1. alineja 6. Zakona o ustanovama („Službeni list RBiH“, broj 6/92, 8/93 i 13/94) i člana 16. stav 6. Pravila Javne ustanove „MES-Međunarodni teatarski festival-Scena MESS“ Sarajevo (broj: 257/16 od 10.05.2016. godine, Izmjene i dopune broj: 02-XII-844/21 od 28.12.2021.godine), Upravni odbor na sjednici održanoj dana 9.10.2023. godine donosi:

PRAVILNIK O VRSTAMA VLASTITIH JAVNIH PRIHODA

J.U. „MES-MEĐUNARODNI TEATARSKI FESTIVAL-SCENA MESS“ SARAJEVO

I OPŠTE ODREDBE

Član 1.

(Predmet pravilnika)

Pravilnikom o vrstama vlastitih javnih prihoda J.U. „MES-Međunarodni teatarski festival-Scena MESS“ Sarajevo (u daljem tekstu: Pravilnik) utvrđuju se vrste vlastitih javnih prihoda koje ostvaruje JU „MES-Međunarodni teatarski festival-Scena MESS“ Sarajevo iz člana 6. Pravilnika o vrstama vlastitih javnih prihoda u Federaciji BiH („Sl. novine FBiH“, broj: 104/22), definisane u skladu sa kriterijima propisanim članom 4. Pravilnika o vrstama vlastitih javnih prihoda u Federaciji BiH („Sl. novine FBiH“, broj: 104/22), pravni osnov ostvarivanja, te namjena i način trošenja vlastitih javnih prihoda J.U. „MES-Međunarodni teatarski festival-Scena MESS“ Sarajevo, (u daljem tekstu: JU MES).

Član 2.

(Subjekt primjene)

- (1) Odredbe ovog Pravilnika odnose se na J.U. „MES-Međunarodni teatarski festival-Scena MESS“ Sarajevo.
- (2) U skladu sa stavom (1) ovog člana vrste vlastitih javnih prihoda utvrđene su za J.U. MES kao jedinstvenog budžetskog korisnika, definisano u članu 2. stav b) Pravilnika o vrstama vlastitih javnih prihoda u Federaciji BiH („Sl. novine FBiH“, broj: 104/22).

II KRITERIJ ZA UTVRĐIVANJE I VRSTE VLASTITIH JAVNIH PRIHODA POZORIŠTA

Član 3. (Kriteriji)

Kriterij za utvrđivanje vlastitih javnih prihoda, u skladu sa članom 4. Pravilnika o vrstama vlastitih javnih prihoda u Federaciji BiH („Sl. novine FBiH“, broj: 104/2022) su da :

- a) prihod ne spada u kategoriju poreza, doprinosa, taksi, naknada i kazni;
- b) prihod nije kao javni prihod propisan posebnom odredbom u zakonu;
- c) prihod se ostvaruju obavljanjem aktivnosti na tržištu i u tržišnim uslovima od strane subjekata iz člana 2. ovog Pravilnika a koje aktivnosti mogu obavljati i drugi pravni subjekti na tržištu (ne postoji isključivost za obavljanje aktivnosti), s tim da je ta aktivnost izvan propisom utvrđene osnovne djelatnosti uređene propisima o osnivanju i utvrđivanju djelokruga rada J.U. MES-a.

Član 4. (Vlastiti javni prihodi od prodaje usluga pristupa i korištenja)

- (1) Vlastiti javni prihod od prodaje usluga pristupa i korištenja koji zadovoljava kriterije iz člana 3. Pravilnika, a u skladu sa članom 6. tačka a) Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722651	Vlastiti javni prihod od prodaje usluga pristupa i korištenja (ulaznice za predstave, pristup medija)

- (2) Pravni osnov ostvarivanja vlastitih javnih prihoda iz stava (1) ovog člana je Pravilnik o načinu prodaje i utvrđivanja kriterija za dodjelu gratis ulaznica i pozivnica broj:02-IX-526/19 od 20.09.2019. i ugovori sa medijskim kućama u BiH i inostranstvu.
- (3) Namjena utroška vlastitih javnih prihoda iz stav (1) ovog člana je pokrivanje izdataka iz klase troškova 613000 izdaci za materijal, sitan inventar i usluge i troškovi 821000-nabavka stalnih sredstava.

Član 5. (Vlastiti javni prihod od oglašavanja proizvoda i usluga)

- (1) Vlastiti javni prihod od oglašavanja proizvoda i usluga koji zadovoljava kriterije iz člana 3. Pravilnika, a u skladu sa članom 6. tačka d) Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722654	Vlastiti javni prihod od oglašavanja proizvoda i usluga (reklamno propagandne usluge, marketinške usluge, sponzorstva i pokroviteljstva)

- (2) Pravni osnovi ostvarivanja vlastitih javnih prihoda iz stava (1) ovog člana su potpisani ugovori o saradnji o pružanju reklamno-propagandnih/ marketinških usluga, potpisani ugovori o sponzorstvu/pokroviteljstvu.
- (3) Namjena utroška vlastitih javnih prihoda iz stav (1) ovog člana je pokrivanje izdataka iz klase troškova 613000 izdaci za materijal, sitan inventar i usluge i troškovi 821000- nabavka stalnih sredstava.

Član 6.
(Vlastiti javni prihod od ostalih aktivnosti)

- (1) Vlastiti javni prihod od od ostalih aktivnosti koji zadovoljava kriterije iz člana 3. Pravilnika, a u skladu sa članom 6. tačka h) Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722659	Vlastiti javni prihod od ostalih aktivnosti (gostovanja produkcijskih/koprodukcijskih projekata/predstava u zemlji i inostranstvu)

- (2) Pravni osnovi ostvarivanja vlastitih javnih prihoda iz stava (1) ovog člana ugovori o saradnji/gostovanju/učešću u projektima/predstavama.
- (3) Namjena utroška vlastitih javnih prihoda iz stav (1) ovog člana je pokrivanje izdataka iz klase troškova 613000 izdaci za materijal, sitan inventar i usluge i troškovi 821000- nabavka stalnih sredstava.

III PLAĆANJE, USLOVI, NAČIN I ROKOVI RASPODJELE VLASTITIH JAVNIH PRIHODA

Član 7.
(Planiranje i namjena vlastitih javnih prihoda)

- (1) Planiranje i raspolaganje vlastitim javnim prihodima, kao i nadzor nad istim vrši se u skladu sa Zakonom o budžetima Federacije Bosne i Hercegovine ("Službene novine Federacije BiH", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25/22), propisima koji uređuju Računovodstvene politike za budžetske korisnike i Trezor Kantona Sarajevo, propisima koji uređuju način plaćanja i trošenja vlastitih javnih prihoda i ovim Pravilnikom.
- (2) Vlastiti javni prihodi J.U. MES-a planiraju se kroz Plan budžeta J.U. MES-a i izmjene i dopune budžeta JU MES-a..
- (3) Na osnovu planiranih vlastitih javnih prihoda iz člana 4., 5. i 6. ovog Pravilnika, planirat će se i rashodi i kapitalni izdaci.

(4) Vlastiti javni prihodi iz člana 4., 5. i 6. ovog Pravilnika, koriste se prioritavno za pokrivanje izdataka (rashoda) nastalih obavljanjem poslova iz kojih proizilaze ti prihodi, a ostatak se raspoređuje na tekuće i kapitalne izdatke.

Član 8.

(Raspologanje vlastitim javnim prihodima)

- (1) Vlastitim javnim prihodima J.U. MES raspolaže u skladu sa Zakonom o izvršavanju budžeta Kantona Sarajevo i ovim Pravilnikom na načini i po postupku utvrđenom zakonima, uredbama i drugim podzakonskim aktima.
- (2) J.U. MES može koristiti vlastite javne prihode prema izvještaju Ministarstva finansija KS koji se J.U. MES dostavlja do 15. u mjesecu za prethodni mjesec.
- (3) Vlastiti javni prihodi koji nisu planirani u Budžetu, a koji se ostvare u toku godine ili se ostvare u većem iznosu od plana u Budžetu, na prijedlog J.U. MES unosit će se i raspoređivat odlukom Vlade i postaju sastavni dio Budžeta.

IV NAČIN UPLATE I TROŠENJA VLASTITIH JAVNIH PRIHODA

Član 9.

(Uplata i trošenje vlastitih javnih prihoda)

- (1) Vlastiti javni prihodi J.U. MES uplaćuju se na depozitni račun Budžeta Kantona Sarajevo.
- (2) Vlastiti javni prihodi J.U. MES mogu se naplaćivati i u gotovini.
- (3) J.U. MES je odgovorno za potpuno i pravovremeno uplaćivanje vlastitih javnih prihoda na depozitni račun.
- (4) J.U. MES je dužan vlastite prihode ostvarene u gotovini uplatiti na depozitni račun i to najkasnije narednog dana od dana naplate istih, a naplaćena gotovina se ne može koristiti za izmirenje tekućih obaveza.
- (5) Vlastiti javni prihodi J.U. MES-a moraju se utrošiti do kraja budžetske godine, a neutrošeni dio vlastitih javnih prihoda postaje javni prihod Budžeta Kantona Sarajevo naredne godine. j

Član 10.

(Raspoređivanje ostvarenih i naplaćenih vlastitih prihoda)

J.U. MES je dužan da ostvarene i naplaćene vlastite prihode rasporedi na rashode u finansijskim mjesečnim planovima izvršavanja Budžeta.

V ZAVRŠNE ODREDBE

Član 11. (Izmjene i dopune)

Izmjene i dopune ovog Pravilnika vrše se na način i po postupku predviđenog za njegovo donošenje.

Član 12. (Stupanje na snagu)

- (1) Ovaj Pravilnik stupa na snagu usvajanjem od strane Upravnog odbora J.U. MES-a, uz pozitivno mišljenje od strane Ministarstva finansija KS, a uz saglasnost Vlade Kantona Sarajevo, a primijenjivat će se od 1.1.2024. godine.
- (2) Pravilnik će se objaviti na web stranici J.U. MES, oglasnoj ploči J.U. MES i u „Službenim novinama Kantona Sarajevo“.
- (3) Stupanjem na snagu ovog Pravilnika prestaje da važi Pravilnik o korištenju vlastitih prihoda broj: 30-2/17 od 17.02.2017.

Broj: 02-X-666/23

Sarajevo: 9.10.2023. godina

Predsjednica Upravnog odbora:

 Etila Hodžić

